



UNIVERSITÄTS-  
BIBLIOTHEK  
PADERBORN

## **Tyrocinium Artis Oratoriæ Sacræ Et Profanæ**

**Moine, Joseph**

**Solodori, 1714**

15. Paradigma 9. geminæ Orationis panegyricæ, cum argumentat. factæ.

---

[urn:nbn:de:hbz:466:1-68834](https://nbn-resolving.de/urn:nbn:de:hbz:466:1-68834)

## CAPUT XV.

*Paradigma IX. geminae orationis  
panegyrica, cum argumen-  
tione facta.*

**Pro Festo Visitationis B. V. in illud:**  
**Exurgens autem Maria in diebus illis abiit in mon-**  
**tanam cum festinatione. Luc. 1. v. 39.**

**Argumentum orationis. B. Virgo gratiis &**

**Prima oratio. meritis super omnes Sanctos exaltata spem nostram  
maxime exaltat.**

**I. Prima designatio hujus orationis**, quæ tota  
 nititur hoc Syllogismo : *Spes inaedifica-  
 ta monti, posito in vertice montium, maxime exal-  
 tatur. Spes nostra, post Deum inaedificata B. Virgi-  
 ni, est Spes inaedificata monti, posito in vertice mon-  
 tium. Itaq; Spes nostra inaedificata B. Virginis maxi-  
 me exaltatur. Exordium fit ex Majore hujus  
 Syllogismi. Propositio indicata est suprà in  
 Argumento orationis. Partitio. 1. Spes no-  
 stra post Deum innitur B. Virginis, 2. quæ est  
 Mons in vertice montium. Confirmatio duci-  
 tur ex Minore Syllogismi primarii, quæ in  
 se continet Partitionem. Hujus prima pars  
 posteriore, posterior pars priore loco tra-  
 ctatur in dilatatione. Argumentatio 1. par-  
 tis *Quæ sunt ex parte Dei, & quæ ex parte B. Vir-  
 гинis, probant, nos posse post Deum plurimum con-  
 siderare in patrocinio B. Virginis. Igitur, &c.* Argu-  
 men-*

mentatio 2. partis. Montes sunt sancti. Hos montes superavit B. Virgo, i. Gratiis, à Deo acceptis, 2. meritis. Igitur B. V. superavit montes, seu est mons in vertice montium. *Epilogus.* Promovetur ulterius Affectus Fiduciæ erga B. Virginem ex Consequente argumentationis 1. partis, cùm ea, ut dixi, dilatetur secundo loco.

11. *Exordium.* Quid hoc? Humilis illa *An-*  
*cilla Domini*, quam sese non ita pridem co-  
ram Angelo appellavit, hucusque abdita,  
publici fugitans, &c. nunc Verbo divino  
gravida prodit in publicum, consortium  
quærit, videri, & audiri appetit. *Exurgens*  
*autem Maria in diebus illis abiit in montana cum*  
*festinatione.* Abiit, non tam suo, quām in-  
quilini sui impulsu, qui, teste Ruperto, Ma-  
trem suam futuram haec tenus obscuram reli-  
quit, ut ejus ad infima sacræ propensioni  
satisfaciat. Nunc verò Matrem suam esse-  
stam ipse met protrahit in lucem, ostendit  
orbi, collocat in alto supra montes, Lega-  
tam mittit ad suum Præcursorum, adhuc u-  
tero clausum. Atque ita virgineam Matrem  
suam primò exaltat corpore super montes  
corporeos, quam pridem antè spiritu super  
montes spirituales extulit, *Propositio* ut no-  
bis innueret, quām sublimis futura, quām  
propè ad Dei thronum accessura sit spes no-  
stra, si hæc, quod ipse voluit, secundūm  
Deum huic Virgini innitatur. *Partitio.* Mon-  
tes hosce sacros esse reliquos Sanctos, post-  
quam

quam in 1. parte instituti sermonis audiverimus , & Dei Matrem Virginem omnes istos montes gratiis & meritis superâsse spectaverimus , facilè deinceps in altera parte concludemus, quâm securæ sint spes nostræ, huic virgineo monti inædificatæ , quâm altè attollantur, quâm proximè ad divinum gratiarum solium admoveantur.

III. *Confirmatio. Argumentationis*, hîc prioris, *Major. Regius Vates*, cùm in illo mysteriis pleno *Psal. 67. v.17.* B. Virgini congruum elogium tribuere vellet, verba idonea non invenit, sed descriptione prophetica usus ait, quòd sit: *Mons in quo beneplacitum est Deo habitare in eo.* Quâ allegoriâ ipsius sublimitatem innuit, utpote quæ instar vastissimi montis creata omnia gratiâ, meritis, gloriâ superârit. *Vastissimi*, inquam, montis: neq; enim qualicunque altitudine ipsam eminuisse sentire nos jübet summus Dei in ipsam amor, summâque dignitas Matris Dei, ad quam electa est. Audiamus interpretem *S.Greg. in 1. Reg. 1.* *Potest hujus montis nomine Beatissima semper Virgo Maria Dei genitrix designari. Mons quippe suit, quæ omnem electæ creaturæ altitudinem electionis suæ dignitate transcendit.* An non mons sublimis *Maria*, quæ, ut ad conceptionem aeterni Verbi pertingeret, meritorum verticem supra omnes Angelorum charos usq; ad solium Deitatis erexit? Hujus enim montis præcellentissimam dignitatem *Isaias. c. 2. vaticinans* ait: *Erit in*

in norissimis diebus præparatus mons domus Domini  
in vertice montium. Mons quippe in vertice mon-  
tium fuit, quia altitudo Mariæ super omnes Sanctos  
refulgit. Montes istos, in quorum vertice  
Deipara statuta est, cæteros Sanctos esse, e-  
tiam aliorum SS. PP. sententia est. *S. Hieron.*  
*in c. 5. Ezech.* per eos intelligit Patriarchas &  
Prophetas, *S. Ambros.* SS. Apostolos, *S. Bern.*  
SS. Angelos. Et certè montes sunt sancti,  
quia gratiis, virtutibus, & meritis reliquos  
homines, ut montes inferiora, excedunt.  
*Minoris I. pars.* Utut verò alti elevatiq; sint  
cæteri Sancti, existimandum tamen, B. Vir-  
ginem omnibus eminere, & singulos ita su-  
perare, ut hic celsissimus mons sit colloca-  
tus & radicatus in vertice reliquorum mon-  
tium, h. e. ut ipsius radices, seu infimæ pri-  
mæque gratiæ, excedant verticem, seu sum-  
mas gratias aliis Sanctis in culmine suæ perfe-  
ctionis concessas, indeq; ipsa inceperit, unde  
alii disierunt; ut adeò in principio perfectio-  
res gratias & merita consecuta sit, quam a-  
lli Sancti in fine. Cæteris per partes prestatur:  
*Maria autem se tota simul infundit gratia plenitu-*  
*do, inquit Sophron. serm. de Assumpt.* Hoc ipsum,  
nisi fallor, insinuare voluit Regius Psaltes,  
dicendo: *Fundamenta ejus in montibus sanctis. Ps.*  
*86. I.* Hanc prærogativam gratiarum in B.  
Virgine agnoscent Theologi, nominatim  
doctiss. Suarez Tom. 2. in 3. p. disp. 18. sect. 4. Et  
*S. Thom. I. p. q. 25. a. 6. ad 4. putat, Materni-*  
*tatem*

tatem Dei complecti dignitatem quandam infinitam, ex qua statim necessaria consecutione gratiarum quoque immensitas existat. Etverò si Deus Lucifero atque aliis Angelis specialia dona concessit, ideo, quòd ad sublimius officium fuerint destinati; quantas par erat ipsum B. Virgini contulisse, præ aliis dilectæ, & ad sublimissimam dignitatem Matris Dei, Reginæ Angelorum, & Sanctorum omnium, electæ? Majora utique ornamenta confert Rex amantissimæ Reginæ & Matri, quām cuivis servorum? *Ejusdem Minoris t. Pars.* His ita positis, merita, gratias consequentia, si licet, metiamur. Una gratia, à Deo concessa, est semen gratiæ novæ, quam meremur, priori cooperando. Tantò igitur B. Virgo amplius augmentum novarum gratiarum, meritorum, & gloriæ adeptæ est, quantò gratia præcedens fuit aptior ad illustrandum intellectum, & movendam voluntatem, & quantò perfectior idcirco fuit cooperatio. Aut fortè gratiam gratiis perfectissimè cooperandi non accepit, cui copia tam illustrium gratiarum concessa est? Cooperata est primæ; quis ambigat? Huic pro mercede altera, proportione major ac perfectior collata fuit. Huic denuo, & eodem modo sequentibus, cooperata, & semper cum proportione ascendendo, præstantiores in præmium consecuta, ad quantum apicem perfectissimarum gratiarum, meritorum,

rum, & gloriae in fine vitae pertigerit, quam nihil impedivit, quo minus singulis momentis operaretur, immo quam ad hoc ipsa gratia abundans juvit, cum jam prima ipsius gratia ex mente Theologorum apud Suarez I. c. tam eximia fuerit, ut perfectissimas reliquorum Sanctorum, quas in fine vitae habuerunt, superarit? *Complexio.* Quantocunque sis intellectu, non capies tantum numerum, non assequeris perfectionem. Non habet satiis numerorum Arithmetica, ut gradus istius incrementi exprimat. Nemo satiis acuminis habet in oculis, ut ad culmen hujus altissimi montis, in vertice montium radicati, pertingat. Verè *mons in quo bene placitum est Deo.* Rectè eidem Ecclesia applicat illud: *Prov. 31. 29. Multæ filii congregaverunt di- vitias, tu supergressa es universas.*

IV. Argumentationis, hic posterioris, *An- tecedens.* Nobis vero non sufficiat montem hunc præcelsum, & culturam divinorum donorum ornatissimum, pigro tantum intuitu eminus admirari. Compellat nos otiosos spectatores *Isaias c. 2.v.3. Venite, ascendamus ad montem Domini, & ad domum Dei.* Errantes in valle lachrimarum, exagitati à variis hostibus, quoties effugium suspiramus! Fugiamus in hunc montem, tanquam certissimum & securissimum asylum. Ita suafum olim à Domino Eliæ, per vallem lachrimarum insidias impiæ Jezabellis fugienti. *Egre- dere*

dere, & stet in monte coram Domino. 3. Reg. 19. II.  
Neque dicamus: *Quis ascendet in Montem Domini,* aut *quis stabit in loco sancto eius?* Psal. 23. 3.  
Subiicitur responsum: *Innocens manibus, &*  
*mundo corde.* Mundam afferamus animam &  
conscientiam NN. & facilis erit accessus ex  
valle lachrimarum in hunc montem. Fin-  
ixerunt veteres gentiles, quod Gigantes Jo-  
vem impugnaturi montes montibus im-  
posuerint, ut per hos ad ipsum in cœlum pos-  
sint eniti. Fabula est, sed ad nostram in-  
structionem idonea. In imo constituti im-  
pares sumus Deo expugnando, & in vota  
nostra flectendo. Deus ipse pro sua infinita  
bonitate pronus ad nobis beneficiendum,  
volens tamen nostris petitionibus velut ex-  
pugnari, facile cessurus, Montem hunc al-  
tissimum aliis montibus imposuit, qui gra-  
tiarum ac meritorum verticem usque ad so-  
lium Deitatis erigeret, ut passibus Fiduciæ  
per istud adminiculum evadentes proximè  
ad Deum accederemus. Montem hunc virgi-  
neum nobis accessum ad Deum præbere. S.  
Bern. serm. in Nativ. B. V. docuit: *Forsitan, in-*  
*quit, Majestatem vereare divinam, - - - ad Ma-*  
*riam recurre. Exaudit utiq<sub>z</sub> Matrem Filius, exau-*  
*dit Filium Pater. Filioli, hac peccatorum scala, hac*  
*mea magna Fiducia est, hac tota ratio spei meæ.* Per  
hanc igitur scalam ad Deum ascendamus ne-  
cessè est, si divinæ Clementiæ vim tales  
inferre cogitamus, ut ad succurrentum no-  
bis

bis eam quodammodo expugnemus. Hoc in Monte post Deum spem nostram fundemus, ut ea proximè ad Thronum Dei pertingat, hortante eodem oratore mellifuo *Serm. de aqua ductu*: *Totis medullis cordium, totis precordiorum affectibus, & votis omnibus Mariam hanc veneremur, quia sic est voluntas ejus, qui totum nos habere voluit per Mariam.* Quam enim summis aliis donis condecoravit, eidem etiam istud comisit, ut dispensatricem divinorum beneficiorum constituerit, nec voluerit quidquam doni ad nos, nisi per manus ipsius, descendere. Neque verò repulsam timeamus à Virgine, si postulando puras manus ad ipsam erigamus: nam verissimè idem dixit: *Sileat misericordiam tuam, Virgo beata, qui te in suis necessitatibus invocatam sibi meminerit defuisse. Serm. de Assumpt.* Et verò quis de illius misericordia dubitet? Est Mater misericordiæ, teste Ecclesia, Habet Visiera misericordiæ, in quibus visitavit nos oriens ex alto. *Luc. I. 78.* &c. Consequens hujus Enthymematis in sequentem Epilogum dilatandum transfertur.

v. *Epilogus.* Gratulemur B. Virginis hanc tam sublimem exaltationem, &c. at nobis multò magis, &c. Laudemus divinam benignitatem, quæ nobis lœsæ Majestatis suæ reis peccatoribus de tam facili medio prospexit, ut per eam omnia possimus impetrare, quæ nihil non potest apud Deum. Peccator es?

es? Maria est *Refugium peccatorum* pœnitentium. Sceleribus in profundum es demersus? Eadem est *Peccatorum Scala*, qua denuo ad Deum ascendas. Sed quod caput est, B. Virgo est *Mater misericordia*, à Deo sumè honorata & dilecta. Quod dulcius filio, licet iñorigero, quām Matris nomen? Hanc si à summo & liberalissimo Rege honoratissimam intelligeret, quid ab ipsa, & per ipsam à Rege, impetrare non speraret? &c. Si cui *historia placent*, addi possunt ante Epilogum: ut illa ex Nadasi Ann. Hebd. cœlest. Sabbatho 9. ex Casario L. 2. Dial. c. 12. Pexenfelder Hort. Marian. Allocut. 22. pag. 226. vel aliae.

VI. Subjungo aliud Paradigma Orat. Panegyr. pro Festo S. Joannis Baptistæ, cuius Major & Minor indigent probatione.

*Argumentum orationis: S. Joannes Bapt. est maximus, quia fuit minimus.*

*Prima designatio hujus orationis*, cuius Argumentatio primaria est: *Qui minimus est in regno cœlorum, est maximus. S. Joannes Bapt. fuit minimus in Regno cœlorum. Igitur in eo est maximus.* Exordium per Figuram Subjectionis inquirit, cur S. Joannes à Christo dictus sit maximus inter natos mulierum. *Propositio.* Fuit ideo maximus in Regno cœlorum, quia minimus seu humillimus fuit. *Partitio.* 1. In regno cœlorum, seu Christi, maximi sunt, qui sunt minimi. 2. S. Joannes in eo fuit minimus. *Confirmatio.* Argumentatio 1. partis, quæ

Secunda ora-  
tio.

quæ est Major Syllogismi primarii. *Qui in Regno simillimus est Regi, est utiqꝫ maximus. Qui in Regno cœlorum est minimus, seu humillimus, est Regi Christo simillimus.* Igitur qui in Regno cœlorum est minimus, idem quoqꝫ est maximus. Argumentatio 2. Partis, quæ est Minor primi Syllogismi. *Qui præ aliis Sanctis maximè fugit honores, infamè de se sensit & locutus est, fuit minimus seu humili-*mus, adeóqꝫ Christo Regi simillimus. Hoc fecit S. Jo-  
annes. Quare fuit minimus, Christo Regi simillimus,  
ideoque in Regno cœlorum maximus. Epilogus fit  
ex Complexione Syllogismi primarii. Am-  
plificatio sic instituitur.

VII. Exordium. Mirari quis posset, quòd Salvator dixerit: *Non surrexit major inter natos mulierum Joanne Baptista.* Matt. II. v. II. Quid enim habuit eximii, ob quod aliis Sanctis præferri mereatur? An jejunia? jejunârunt etiam Moyses, Elias, David, tres pueri Ba-  
bylonici. An fervore in divino servitio?  
Fuit ferventissimus Abraham. An cultum e-  
remi? In eadem habitârunt Elias & filii Pro-  
phetarum. An quòd fuerit Præcursor Salva-  
toris? Prænuntiârunt eundem venturum alii Prophetæ; imò Daniel proximè adfutu-  
rum, &c. Fuit igitur aliquid aliud, ob  
quod mereatur à Christo omnibus præha-  
beri. Quid illud sit, si vultis audire, dicam,  
sed aliquid in speciem repugnans. *Propositio.*  
S. Joannes Bapt. ideo fuit in Regno cœlo-  
rum, quod est Regnum Christi, reliquis,

ex-

excepta B. Virgine, major, quia fuit reliquis minor; maximus, quia fuit minimus, seu humillimus. *Partitio.* Atque hoc, quod modò proposui, in altera parte orationis ostendam, postquam in priore universim demonstravero, in Regno cœlorum, seu Christi, esse usum Mundo contrarium, eōsque haberi maximos, qui sua opinione sunt minimi.

**VIII. Confirmatio.** Argumentationis I.  
**Partis Major.** Si quæratur, quis in aliquo regno sit maximus, vulgus ditissimum aut potentissimum nominabit; Sapientes contrà, quos nec opum fulgor excæcat, nec honorum aut potentiae alterius splendor in admirationem rapit, illum maximum continuò pronuntiabunt, qui Regi moribus, dotibus, cæterisque ornamenti animi simillimus, atque ita proximus maximo est. Idque tanto magis, si Regis supra cæteros excellentiam non ex solio, aut opibus, aut subditorum numero, sed ex virtutibus, quæ veram magnitudinem efficiunt, velint aestimare, &c. **minor.** Hæc regula magnitudinem dimetriendi locum in Regno Christi maximè sortitur, quæ divinæ Sapientiae iudicio eâ unicè mensurâ definitur, quod quis Christo veræ magnitudinis ideæ, morum & vitæ conformitate sit similior. Plura in rebus creatis magna vocamus, non quod magna sint, sed quod parvi nobis majora ob-

stu-

stupescamus , aut ea cum minoribus aliis conferamus. Solus Deus in se ita absolute magnus est , ut citra comparationem magnus appellari mereatur. Ex cæteris verò rebus eæ quoque magnitudinis æstimationem promerentur , quæ plùs de Deo participant, proplùs aliquo modo ad ejus similitudinem accedunt. Effigiem aliquam suæ magnitudinis Deus in Christo nostris oculis subjecit , in quo , Deo & homine simul , nihil non magnum reperitur. Parvus videbatur spontaneâ sui ad infima quæque demissione ; sed vel in hac tenuitate fuit maximus. Et si à divino Patre idem nobis pro norma propositus est , quam imitando Deo similes evadamus , si hunc audire & sequi nos desiderat, in quo sequemur , quid audiemus potius, quam ut minimi efficiamur , sicut minimum se exhibuit , id est humillimum ? Patravit prodigia , &c, non hæc à se disci cupidit , sed humilitatem , *Matt. II. 29.* Hanc totâ vitâ tot exemplis , modis , & factis docuit. *Fiat enumeratio.* Sancti , qui studebant Christo esse maximè conformes , hanc similitudinem animi Demissione conati sunt exprimere. Et certè hæc virtus proprius Christi character est , hæc ejus verissima imago , hæc compendium eorum , quæ dixit & fecit. *Complexis.* Quis jam neget illum Christo esse similimum , qui humillimus fuerit , atque idcirco eundem quoque in Regno cælorum

Aa

esse

esse maximum , quod maximo sit ea in resi-  
millimus ac proximus , quae propriam ipsius  
formam unicè constituit ?

IX. Argumentationis 2. Partis *Major.* Atq;  
hæc universim ita statuta speciatim ad præ-  
sentis sermonis scopum transferamus. Illud  
igitur modò enucleandum restat , quod S.  
Joannes , quem jure maximum à Salvatore  
dictum contendo , minimus , humillimus ,  
& in hoc Christo simillimus extiterit , h. e.  
præ aliis Sanctis honores , etiam quos licet  
potuisset admittere , Christi exemplo stu-  
diosè fugerit , infimèque de se & senserit  
& locutus fuerit. In quem finem tametsi  
præ omni alio argumento sufficere posset so-  
lum Christi effatum , maximum illum fuisse  
pronuntiantis ; cum enim is contra Mundi  
sensem magna judicet , quæ huic parva vi-  
dentur , si Dei sapientia teste & judice Joann-  
nes maximus fuit , apud se minimus , id est ,  
humillimus fuerit necesse est ; tamen non  
desunt argumenta , quibus S. Præcursoris hu-  
militas perspicuè comprobetur. *Minor.* Atq;  
imprimis quod altioris dignitatis est , qui se  
deprimit , è demissio animi est major & ad-  
mirabilior. Sic Christus , &c. Quanta igitur  
sublimitas Joannis fuit ? *Fuit homo missus à Deo.*  
*Joan.* 1. Quanta dignitas summi æternique  
Regis Legatum esse ! Vocatur à Deo per *Isai-*  
*am c. 49. servus Dei.* Quis nescit , Deo servi-  
re , esse regnare ? Appellatur à *Malach. 3. 1.*

An-

Angelus & Præcursor Domini : *Ecce ego mitto Angelum meum, & præparabit viam ante faciem meam.* Qualis excellentia ! Ejus nativitas ab Angelo prænuntiatur , unâque à cœlo jubetur vocari *Joannes* , quod nomen *gratiam* significat ; quo quid aliud indicabatur,quàm ipsum specialib<sup>9</sup> gratiis à Deo exornandum? Non nascitur peccator , more cæterorum , sed jam in utero sanctificatur : quanta prærogativa ! Veritas ipsa divina eum vocat *Plus quam Prophetam. Matib. II. &c.* Si originem & stemma consideremus , fuit è sacerdotali & regio ; quódque maximum est , Regis Regum Christi cognatus. Quanta ipsius sanctimonia in Eremo ! &c. quæ vera coram Deo sublimitas est. Quot tituli laudis, honoris , dignitatis ! &c. Altum vidimus:jam tantò humiliorem ad imitationem Christi videamus , quantò reipsa sublimior erat. Atque imprimis ut stemmatis sui claritatem tegeret , in teneris annis divino spiritu impellente in eremum secedit. Hic verò , velut alio cibo humano indignus, ex melle & locustis vicitat. Ibidem carnem innocentissimam quàm austere tractat ! scilicet peccator videri voluit in gratia jam stabilitus , &c. At non potuit diu latere tanta lux sanctitatis, ne Hierosolymam & omnem regionē pervaderet. Missi ad ipsum Sacerdotes & Levitæ interrogant : *Tu quis es ? Quid dicas de te ipso?* *Joan. I.* Videbatur nempe hæc vita, tam

remota à comodis , commercio cum homini-  
bus , &c; contrà verò traducta in rigidissi-  
ma poenitentia , frigore , æstu , fame , &c.  
non hominis esse , sed Angeli. Aut si homi-  
nem crediderunt , putârunt certè , esse illum  
à tot sæculis promissum Messiam , Redemp-  
torem orbis. Quid Joannes ? (*fieri hic posset Su-  
spensio cum Subjectione*) Séne Prophetam vocat,  
quod encomium ei Veritas tribuit , imò plus  
quam Prophetam ? &c. Sed horum nihil si-  
bi sumit. Messiae saltem Præcursorum se fa-  
tetur ? Angelum , &c? Audio dicentem: *Non  
sum ego Christus* : & rectè id quidem , &c. In-  
stant Legati: *Elias es tu?* Negat Joannes. Quid  
hoc ? Negat ? Christo affirmante : *Si vultis re-  
cipere , ipse est Elias , qui venturus est.* Matth. 11.14  
prædicente Angelo : *Ipse præcedet ante illum in  
spiritu & virtute Eliae.* Luc. 1.17. O insignem ani-  
mi modestiam ! &c. Quid ergo de se dicet ?  
Id , quo minus & vilius nihil est : *Ego vox cla-  
mantis in deserto.* Joan. 1. Quid voce vilius ,  
quæ perit , dum oritur ? Neque se vocem  
tantum , sed ex vocibus ipsis vilissimam no-  
minat , *clamantis* videlicet , non in luce Mun-  
di , non in aulis , &c , sed *in deserto* , loco te-  
nui , inter bestias , &c. Quin , ut omnem pe-  
nitus de se sermonem præcidat , eum mox  
ad Christum transfert. In quo ipso quan-  
topere se rursum deprimit : *Non sum dignus ,  
ut solvam corrigiam calceamenti ejus.* Illum opor-  
tet crescere , me autem minui. Potestne minor  
fieri

hieri, quām se ipsum faciat? Quis satis hanc animi modestiam, & honoris fugam miretur? Verē magna res, ut ait S. Bern. & rara in terris humilitas honorata, & sic honorata, ut in S. Joanne, qui ut honore omnibus hominibus post B. Virginem prælatus est, ita se infra res omnes abjecit. Obstupui alias Franciscos NN. &c. Sed quid ipsorum demissio cum hac collata? &c. *Complexio.* Verē post Christum & B. Virginem se fecit omnibus minorem, dum se tantō profundiūs deprimet, quantō fuit altius elevatus. Verē Christo simillimus fuit animi demissione &c, atque ob hanc ipsam causam in Regno cælorum maximus.

x. *Confutatio.* Unicum adhuc scrupulum suspicor in animis auditorum residere, quod Christus laudibus Joannis subdiderit: *Qui autem minor est in Regno cælorum, major est illo.* Innuit, alium sanctum ipso minorem esse, ideoque in Regno cælorum majorem. Annuo: nam B. Virgo, magis ipso honorata, contemptis honoribus summè se deprimendo haud dubiè major effecta est, &c. Hac exceptâ, maximum esse inter puros homines S. Joannem, repeto. Sensus ergo verborum Domini esse potest: *Qui ipsum humilitate superat, ut mea Mater, major est;* major esset etiam aliis, si quis superaret. &c. Maximè verò Christus his verbis se ipsum indicavit, ne videretur tacite sibi quoque

quoque Joannem prætulisse , cùm ipse haud dubiè in suo regno fuerit humillimus , licet maximus , & vel ideo humilitatis magis stupendæ , quò fuit dignitatis eminentioris.

**xii. Epilogus.** Minimum vidimus S. Joannem , & maximum : maximum idcirco , quia in sua parvitate voluntaria maximo Regi Christo in Regno cælorum simillimum. Nemo jam miretur , quòd Ecclesia hodiernum Festum cum tanta solennitate celebret , festivi ignes passim resplendeant , &c. Debetur honor maximo in regno cælorum , qui , ut loquitur S. Ambros. *Præcellit cæteros , eminet universis , antecellit Prophetas , supergreditur Patriarchas ; & quisquis de muliere natus est , inferior est Joanne.* Is honor tantò magis ei debetur , & probante Deo dignius nunc redditur , quantò studiosius eum , cùm viveret , declinavit , & fugiendo se illo digniorem monstravit . &c. Cur non etiam nos , qui tam avidè magni esse cupimus , veræ tali magnitudini , quæ apud Deum est , inhiamus ? sola hæc magnos & unà æternum felices reddere potest , quam veram & solidam infinita Sapientia agnoscit , quæque in spontaneo descensu ad infima consistit. In Regno Christo Regi proximi esse cupimus ? ibi eum quæramus oportet , ubi S. Joannes aliique Sancti ipsum quæsierunt ac invenerunt. Collocavit autem sese in conditione servi , in stabulo , in officina fabri , ad pedes Judæ , in

in cruce inter latrones ; verbo, in infimo. Hic locus in Regno Christi est dignissimus ; huc se demittat , qui cum cæli proceribus aliis proximus Regi optat assidere. Ita iudicat Sapientia Dei ; aliter verò sapientia hujus Mundi , quæ amplitudinem nominis , honores , &c, confectatur ; sed eadem sapientia Mundi *Stultitia est apud Deum.* I. Cor. 3. 19.

## CAPUT XVI.

*Paradigma X. orationis , quæ concurrenti geminae solennitati congruit.*

De talibus orationibus mentionem feci in superioribus , ubi duo exempla dedi , quorum alterum hic dilatandum resumo , orationis habitæ in Primitiis Sacerdotis , quæ in Dedicatione Templi celebratæ sunt.

In illud ex Evangelio Dedicationis :  
*Hodie salus domui huic facta est. Luc. 19. v. 9.*

Argumentum orationis : Major causa reverentia & latitiae ex consecratione Sacerdotis , quam ex consecratione Templi existit .

I. *Prima designatio hujus orationis*, cuius summam continet hic Syllogismus primarius : Cùm uring, agatur de consecratione Domus Dei , viva & lapidea , inde existit major causa reverentia & latitiae , unde major salus , b. e. sanctitas